



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA U THOMA (P1)

2018

MEMORANDAMU

MARAGA: 70

Memorandamu uyu u na masiatari a 10.

KHA VHA PFESESE:

- Memorandamu uyu u tou vha tsumbandila fhedzi ya u thusa vhatoli/vhamaki.
- Ngauralo, a u tei u vha ambadzifhele nga wothe lini.
- Phindulo dza vhagudi dzi tea u sedzwa u ya nga vhukoni ho taniwaho kha phindulo yeneyo.
- Phindulo dzi tea u eliya nga u angaredza, nahone mbuno dzi newe ho teaho zwi tshi tevhedza maga o dzhiwaho kha muangano wa ndinganyiso.
- Memorandamu uyu u do thoma wa dzulelwa dzulo nga vhothe vha kwameaho musi u tola/maka hu sa athu u thoma.

KHETHEKANYO YA A: THOLOKANYONDIVHO**NDAELA KHA VHATOLI/VHAMAKI****Maga a u tola/maka tholokanyondivho:**

- Ngauri ndivho i kha u pfecto wo khakheaho na vhukhakhi ha luambo kha phindulo zwi songo newa ndatiso nga nn̄da ha musi vhukhakhi honoho vhu tshi thithisa kupfesesele/u shandula zwi ambwaho. (Honeha, vhukhakhi vhu di fanela u sumbedzwa).
- Arali mulingiwa a shumisa maipfi a luambo luniwe lune a sa khou lingwa khalwo, kha vha tsinye ito kha maipfi ayo, nahone arali phindulo i tshi kha di pfala, hu songo vha na ndatiso. Honeha, arali ipfi li bvaho kha luniwe luambo lwo shumiswaho kha tshibveledzwa nahone la lavhelelwa kha phindulo, izwi zwi a tanganedzea.
- Kha **mbudziso dzo vuleaho**, a hu na maraga dzine dza fanela u avhelwa kha EE/HAI kana NDI A TENDA/A THI TENDI. Tshiitisi/Thikhedzo/thuθhuwedzo ndi zwone zwine zwa fanela u sedziwa.
- A hu na maraga dzine dza fanela u avhelwa kha NDI NGOHO/A SI NGOHO kana NDI NGOHO/A SI NGOHO kana MBUNO/KUHUMBULELE. Tshiitisi/thikhedzo/thuθhuwedzo ndi zwone zwine zwa fanela u sedziwa.
- Musi phindulo ya ipfi lithihi yo lavhelelwa hone mulingiwa a nea fhungo lothe, kha a newe maraga **tenda fhedzi** ipfi lo lavhelelaho lo talelwa kana lo sumbedzwa.
- Musi mbuno mbili/tharu dzi tshi todiwa, ngeno nnzhi dzo nekedzwa, kha vha make **fhedzi** mbili/tharu dza u thoma.
- Kha vha tanganedze u fhambana ha nyambotavhi.
- Kha mbudziso dza u nanga kha zwinzhi, kha vha tanganedze ZWOTHE, ledere li livhanaho na phindulo yone NA/KANA phindulo yo iwalwaho nga vhudalo.

MBUDZISO YA 1**PHINDULO: TSHIBVELEDZWA TSHA A**

- 1.1 Ndi zwirathisi zwa vhudavhidzani, sa radio na thelevishini.✓ (1)
- 1.2 Ndi nyiledzo ya uri zwipuka a zwi zwimiwi nga nn̄da ha thendelo. (2)
- 1.3 Ndi ngauri vho vho shavha tshikolo hu si na zwine vha ḥwa vha tshi ita, vha vho thoma u tshila nga u zwima na u vhulaha zwipuka. ✓✓ (2)
- 1.4 Ndi u vha hawe na vhutamatama ha u zwima zwe zwa ita uri a litshe na tshikolo.✓✓ (2)
- 1.5 Ndi phambano ya kuvhonele kwa zwithu, Masala u vhavhalela zwipuka na u zwi tsireledza, ✓ ngeno avha vhat̄hannga vha tshi zwi zwima na u zwi vhulaha.✓ (2)
- 1.6 B/dzi khou pandamedza phukha. (1)
- 1.7 Vhat̄hannga vho ḥangana na khakhathi ya u pandamedzwa nga nguluvhedaka ya nzadze yo vuswaho nga mmbwa dzavho dzi tshi khou zwima.✓✓ (2)
- 1.8 - Ndi wa uri vhat̄hu kha vha vhavhalele dziphukha.✓
 - Phukha dzi zwimiwa nga thendelo ya mulayo.✓
 - U sa pfa hu ḥunya mavhudzi.✓
 [Zwiraru fhedzi zwi pfalaho.] (3)
- 1.9 Masiandaitwa e Tendani a ḥangana nao ndi a u rungwa ḥito nga muthenga wa nungu ḥa fhedza ḥo pofula.✓✓ (2)
- 1.10 **EE.**
 Vha hone vhat̄hu vhane vha funa zwipuka lune vha sa tende zwi tshi tambudzwa,✓ vhane vha ḥonifha mulayo wa muvhuso u sa imi na u tambudzwa ha zwipukav✓ nahone vhane vha ḥonifha pfanelo dza zwipuka, sa ene Masala.✓
 [Zwiraru fhedzi zwi pfalaho.] (3)
- 1.11 **EE.**
 Ngauri avha vhat̄hannga vho vha vha tshi khou lingedza u ḥdisikela mishumo,✓ khathihi na u ḥditodela zwiliwa. ✓

KANA

HAI.

Ngauri vho vha vha tshi zwi ɖivha uri mulayo u lwa nazwo,✓ muthu u tea u zwima a na thendelo.✓

[Kana zwiñwe-vho zwi pfalaho.]

(2)

PHINDULO: TSHIBVELEDZWA TSHA B

1.12 Ndi vhugevhenga ha u vhulahwa/tswiwa ha (nanga dza) tshugulu (Rhino poaching).✓

(1)

1.13 Vhudipfi hawe ndi ha u vhavhalela/pfela vhuñungu✓ phukha dzine dza khou vhulahwa hu tshi khou ɬodiwa mañanga nga nn̄da ha mulayo.✓

(2)

- 1.14 • Ndi u ñea ndatiso i vhavhaho vhatu vhanne vha wanala vha tshi khou zwima phukha zwi siho mulayoni/vha si na laisensi ya u zwima.
- Kha hu vhe na vhalindi vha u tsireledza vhugalaphukha/hu wanalaho phukha.
- Luhura lwo tingaledzaho vhugalaphukha lu vhe lwo khwathaho/lu re na mudagasi.

[Mbuno mbili fhedzi dzi tendiseaho.]✓✓

(2)

PHINDULO: TSHIBVELEDZWA TSHA A NA B

1.15 Zwibveledzwa zweithe zwi khou amba nga u zwimiwa ha phukha zwi siho mulayoni/u tambudzwa ha zwipuka/u pfuka pfanelo dza zwipuka.✓

Kha TSHIBVELEDZWA TSHA A, vhatukana vha khou zwima zwipuka uri vha zwi vhulahe,✓ ngeno kha TSHIBVELEDZWA TSHA B hu tshi sumbedzwa vhazwimi vho vhulaha phukha/tshugulu vha tshi itela u tswa mañanga ayo.✓

(3)

THANGANYELO YA KHETHEKANYO YA A:

30

KHETHEKANYO YA B: MANWELEDZO/SAMARI**MBUDZISO YA 2: U NWELEDZA NGA MAIPFI ANU****Kumakele kwa manweledzo**

U ḫola/maka hu tea u ḫisendeka kha zwo vhudziswaho, hu litshiwe izwo zwi songo vhudziswaho.

Manweledzo a tea u makiwa nga ndila i tevhelaho:

- **Kuavelwe kwa maraga:**
 - Maraga dza 7 kha mbuno dza 7 (maraga 1 kha mbuno).
 - Maraga 3 ndi dza luambo.
 - Thanganyelo ya maraga: 10
- **Kuavelwe kwa maraga musi mulingiwa a songo anulula/kopolola maipfi o tou ralo:**
 - Mbuno dza u bva kha 1–3 dzi re dzone: avhelani maraga 1
 - Mbuno dza u bva kha 4–5 dzi re dzone: avhelani maraga 2
 - Mbuno dza u bva kha 6–7 dzi re dzone: avhelani maraga 3
- **Kuavelwe kwa maraga dza luambo musi mulingiwa o anulula/kopolola maipfi o tou ralo:**
 - Khouthesheni dza u bva kha 6–7: ni songo avhela maraga dza luambo
 - Khouthesheni dza u bva kha 1–5: avhelani maraga 1 ya luambo

PFESESANI:

- **Tshivhumbeo**

Naho manweledzo o nwalwa nga tshivhumbeo tsho khakheaho, a tea u ḫolwa.

- **Tshivhalo tsha maipfi:**

- Vhamaki vha tea u khwathisedza tshivhalo tsha maipfi o shumiswaho.
- Vha songo ḫusa maraga arali mulingiwa a songo sumbedza tshivhalo tsha maipfi, kana arali tshivhalo tsha maipfi tsho sumbedzwa tsho khakhea.
- Arali tshivhalo tsha maipfi tsho fhira, kha vha vhale u swika kha fhungo la u fhedzisa li re nthā ha tshivhalo tsho tetshelwaho, vha litshe ayo mariwe a manweledzo o salaho.
- Manweledzo a re mapfufhi fhedzi o faredza mbuno dzothe dzi ḫodeaho ha tewi u ḫewa ndatiso.

PHINDULU: TSHIBVELDZWA TSHA C

Maga a tevhelaho kha a shumiswe sa **tsumbandila** ya zwine mulingiwa a tea u zwi sumbedza kha manweledzo awe.

Mbuno dziñwe na dziñwe dza 7 dzi kha phara dici tea u avhelwa maraga.

(Mitaladzi na/kana zwipiða zwa mafhungo zwi tea u lunzhedzana.)

NO	KHOUTHESHENI	NO	MBUNO
1	'Muthu u tea u dithogomela nga u ita nyonyoloso tshifhinga tshothe. U tshimbila lwa minetse ya furarù kha duvha zwi fhungudza mutsiko muhulu wa malofha.'	1	U ita nyonyoloso khathihi na u tshimbila ndi zwo teaho.
2	'Mutsiko wa muhumbulo ndi tshivhangi tshihulu tsha mutsiko muhulu wa malofha, ngauralo muthu kha kone u langa thaidzo dzine a tangana nadzo nga u dzulela u humbula zwivhuya.'	2	U langa dzithaidzo na u humbula zwivhuya zwi fhungudza mutsiko wa malofha.
3	'Muthu kha vhe na ndowelo ya u dimvumvusa nga u thetshesela muzika; zwi thusa u netulusa muhumbulo na mutsiko muhulu wa malofha u a tsela fhasi.'	3	U dimvumvusa nga muzika zwi a tödea.
4	'U vha na muvhili wo kalulaho zwi ita uri mutsiko wa malofha u vhe nthia, zwenezwo muthu u tea u lingedza u fhungudza muvhili nga u la zwiliwa zwi re na pfushi sa mitshelo, miroho na zwiliwa zwi re na mafhi.'	4	Muthu kha fhungudze muvhili wo kalulaho nga u la zwiliwa zwi re na pfushi.
5	'Kha i vhe ndowelo ya u fhungudza muño zwiliwani, zwi a thusa kha uri u sa diwane u kha khombo ya u vha na mutsiko muhulu wa malofha.'	5	Zwiliwa kha zwi vhe na muño wo linganelaho.
6	'Muthu u tea u tutshela u nwa zwikambi na u datha mafola lwo kalulaho ngauri na zwone zwi vhanga mutsiko muhulu wa malofha.'	6	Muthu kha diilise kha zwikambi na mafola.
7	'Tshinwe tshine tsha nga thusa u fhungudza mutsiko muhulu wa malofha ndi u awedza muhumbulo nga u femela ngomu na nn̄da lwa tshifhinganyana/u nwesa madi.'	7	Muhumbulo u tea u awedzwa nga u femela nn̄da na ngomu lwa tshifhinganyana.

TSHIVHUMBEO TSHA PHARA

PFESESANI: Iyi i tou vha tsumbo; mulingiwa ha lavhelelwi u tou i bvisa yo tou ralo kokotolo lini.

Nyonyoloso khathihi na u tshimbila ndi zwa ndeme kha u langa mutsiko muhulu wa malofha. Muthu u tea u langa dzithaidzo na u humbula zwivhuya. Muthu kha dimvumvuse nga muzika uri muhumbulo u netuluwe. U fhungudza muvhili wo kalulaho nga u la zwiliwa zwi re na pfushi nahone zwi na mu^ño wo linganelaho ndi zwa ndeme. Muthu a diilisa kha zwikambi na mafola zwi mu thusa kha u langa mutsiko muhulu wa malofha. Muhumbulo u tea u awedzwa nga u femela nn̄da na ngomu lwa tshifhinganyana. Hezwi zwi ita uri muthu a lalame.

[Maipfi a 93]

THANGANYELO YA KHETHEKANYO YA B:

10

KHETHEKANYO YA C: ZWIVHUMBEO NA MILAYO YA KUSHUMISELE KWA LUAMBO

Maga a u ḥtola/maka

- Mupeleto:
 - Phindulo ya ipfi ḥithihi i tea u ḥnewa maraga naho mupeleto wo khakhea, nga nn̄da ha musi vhukhakhi uho vhu tshi shandukisa ḥthalutshedzo ya ipfi lenelo.
 - Kha phindulo ya fhungo ḥlo ḥdalaho, vhukhakhi ha mupeleto vhu tea u ḥnewa ndatiso arali vhu kha tshivhumbeo tsha luambo lwonolwo lu lingiwaho ngalwo.
 - Hune ha lingiwa pfufhifhadzo ya ipfi (aburivesheni), phindulo i tea u ḥnewa i kha mupeleto wonewone.
- Zwivhumbeo zwa mafhungo zwi tea u vha zwi kha ḥdivhafhungo/girama yoneyone nahone yo ḥnewa i kha mafhungo o fhelelaho/kana sa zwi ananaho na ndaela.
- Kha mbudziso dza munangelo, kha vha ḥtanganedze ZWOTHE, ḥledere li tshimbilelanaho na phindulo yone NA/KANA phindulo yo ḥnwalwaho nga vhuḍalo.

MBUDZISO YA 3: U SENGULUSA KHUNGEDZELO

PHINDULO: TSHIBVELEDZWA TSHA D

- 3.1 Ipf 'ndondola' li na ndeme ya u kunga vha re na zwitudio uri vha renge zwilidzo zwavho u itela u alusa zwitudio izwo.✓ (1)
 - 3.2 Ndi tshivhudzisi. ✓ Ndeme yatsho ndi u vhudzisa nga ndila ya u tou kunga.✓ (2)
 - 3.3 Li ḥdisa tshifanyiso tsha uri vha ḥdo vha mulidzimakone a sa fhirwi nga muthu.✓✓ (2)
 - 3.4 D/swika fhethu.✓ (1)
 - 3.5 Ndi thekeniki ya u fhuredzela/u kunga✓ ngauri mukungedzeli u ḥdo rekhodela nga fhedzi vhanevho vhanе tshigwada tshavho tsha vha na vhathu vha no swika fumi.✓ (2)
 - 3.6 Mukungedzeli o swikelela ndivho ya u kunga vhathu ngauri o shumisa fonto dzo fhambanaho/nyolo na zwifanyiso, zwishumiswa zwa muzika zwa musalauno/luambo lwa u fhuredzela/u kunga na vhuṭumani. Zwoṭhe hezwi zwi rumela mulaedza wa u kunga.✓✓ (2)
- [10]

MBUDZISO YA 4: KHATHUNI**PHINDULO: TSHIBVELEDZWA TSHA E**

- 4.1 Khathuni i khou tana vhabebi vhane vha khou kombetshedza vhana u ya tshikoloni/vhana vha sa funi tshikolo.✓ (1)
- 4.2 Ndi vhudifhinduleli ha mudededzi ha uri arali nwana a songo nwala a mu kombetshedze khathihi na u mu linda.

KANA

Mugudiswa u tea u ita mushumo wawe nga vhu^gdikumedzeli.✓✓ (2)

- 4.3 Vhuvhili hazwo zwi tana vhana vhane vha sumbedza vha sa funi tshikolo. ✓ Kha FUREME YA 1 vhana vha khou tou kokodziwa, ngeno kha FUREME YA 2 nwana a tshi khou kombetshedzwa u nwala mushumo/vhabebi vha no tu^gtuwedza vhana kha zwa pfunzo.✓ (2)
- 4.4 C/nwana ane khou kombetshedzwa u ita mushumo wa tshikolo.✓ (1)
- 4.5 I khou tana vhana vha sa takaleli u ya tshikoloni vhane vha khou tou kombetshedzwa nga vhabebi. ✓✓ (2)
- 4.6 - Vhathu vha tea u tu^gtuwedza vhana vhavho u funa/u takalela u dzhena tshikolo/pfunzo musi vha tshee vha^guku vhukuma.
- Vhabebi vhaswa/vha^guku vha tea u pfumbudzwa nga ha ndila kwadzo dza u dzudzanyela/lugisela vhana vhavho u ya tshikoloni.

[Kana zwi^gnwevho zwi pfalaho.] ✓✓ (2)
[10]

MBUDZISO YA 5: KUSHUMISELE KWA LUAMBO NGA NDILA YONE**PHINDULO: TSHIBVELEDZWA TSHA F**

- 5.1 Thoma.✓ Dakalo o thoma u lima tsimu yawe mahola nga teretere.✓ (2)
- 5.2 Tshi shuma u sumbedza ganuko u bva kha muaravhi/muambi.✓✓ (2)
- 5.3 Tshitekeshi.✓ – Musadzi/musidzana a no semesa/ambesa/vhutsha.✓ (2)
- 5.4 Limudi la ndaela.✓ – Li khou shuma u nea ndaela ya uri muthu a bve ndilani.✓ (2)

- 5.5 Vhañwe vhashumi vho mangadzwa nga Luambo nga kuambele kwawe.✓ (1)
- 5.6 ... mashudu a no nga a phele. ✓ (1)
[10]

THANGANYELO YA KHETHEKANYO YA C: 30
MARAGAGUTE: 70